

LUCÍA NOVAS

O teu corpo aliméntase das fontes do paraíso, das aves
que voan
rectísimas
por fragas luminosas (sabugueiro
en flor, regueiro e xuncos
en espacios
senlleiros).

O teu corpo leva as verdades do arroz, sentencias
da area, orxo
quentísimo
de pernas e de exeño.

O teu corpo é epiderme
longa,
beixos de tarde seca, unión
de pedra branca.

O teu corpo é a ilusión
nas horas
perdidas (sesta milenaria).